



**ORDENANTZA 11. ZK**

**AGURAINGO UDALA ARABAKO LURRALDEA**

**ORDENANTZA, AUZOKOEN SUTEGIETARAKO BASO-PRODUKTUAK  
USTIATZEAGATIKO TASAK ARAUTZEN DITUENA**

**I. XEDAPEN OROKORRAK**

Udal honek, Arabako Lurralde Historikoko Toki Ogasunak arautzen dituen Foru Arauarekin bat etorrituz, auzo-sutegietarako basogintzako produktuak ustiatzeagatiko tasa ezarri eta galdatzen du, ordenantza honen arabera. Ordenantza honen zati da aplikatu beharreko tarifak jasotzen dituen eranskina.

Ordenantza udalerrri osoan aplikatzen da.

**II. ZERGA EGITATEA**

Tasa honen zergapeko egitatea honako hau da: Aguraingo udalerrian sutegietarako diren egur-zorteen eta "egur hilen" aprobetxamendua, aprobetxamendu hori arautu izan duen ohituran eta Arabako Lurralde Historikoko mendien araubidea arautzen duen uztailearen 4ko 13/86 Foru Arauan oinarrituta.

**III. KUDEAKETA**

Udalerriko auzoen suteetako beharrak asetzeko, udalaren mendietako baso gaiei esaten zaie egur lote. Adar eta zuhaitz erauzi edo eroririk balego, hau da, egur hilik balego, horiek ere, udalak eta Arabako Foru Aldundiko Mendi Zerbitzuko teknikariek hala iritziko baliote, auzoek sutarako erabili ahal izango lituzkete.



Udalak basoak berritu, leheneratu eta iraunarazteko eta ingurumena babestu eta hobetzeko, teknikoen txostenak aztertu ondoren, egur loteetarako zuhaitzak markatu ahal izango ditu bere basoetan, baita zuhaitz kopurua mugatu eta daudeneko lekua zehaztu ere.

#### A) SUTARAKO LOTEAK:

Interesdunek udal bulegoetan aurkeztuko dute egur loteetarako eskaera urteko lehenengo bi hiletan. Eskaerarekin batera aprobetxatzeagatik ordaindu beharreko tasa ordaindu izanaren ordainagiria aurkeztuko da.

Udalak araututakoaren arabera izapidetuko dira onartutako eskaerak, Arabako Foru Aldundiak baimena eman dezan.

Arabako Foru Aldundiak izendatutako teknikariek, udaleko ordezkariak lagunduta, egur lote bakoitza osatuko duten zuhaitzak markatuko dituzte.

Egur lote horiek urriaren 15ean zozketatuko dituzte eskatzaileen artean.

Markatu eta esleitutako zuhaitzak urteko azken hiru hiletan bota beharko dituzte esleipendunek.

Egur loteak, berriz, ekitaldiko uztailean, abuztuan eta irailean aterako dituzte basotik.

#### B) EGUR HILAK:

Egur hilak, hots, naturak erauzi edo botatutako zuhaitz eta adarrak, aurkitu ondoren, udalari eskatuko dizkio interesdunak apirilean edo maiatzean. Eskaeran ahalik eta zehatzen adieraziko dira egur hilak (zuhaitz eta adarrak) daudeneko lekua eta haien kopurua.

Udaleko ordezkariak eta Arabako Foru Aldundiko Mendi Zerbitzuko teknikariek, eskaerak jaso ondoren, eskatutako egur hilak ikuskatuko dituzte. Egur horiek ingurumenerako babesa (muxar eta txorientzat babesleku) eta zuhaitzi mugetan zuhaitziaren beraren bazka eta hazkunderako elikagai dira. Hala ere, markatu eta eskatzaileari zuzenean esleituko zaio aprobetxamendu hori.



Egur loteak bezalaxe egur hilak ere ekitaldiko uztailean, abuztuan eta irailean aterako dira basotik.

Familia bakoitzari esleitutako egurra, egur lote zein egur hil izan, 5.000 kilogramo baino gutxiago izango da.

Egur loteak edo egur hilak Aguraingo udalerrian erroldatuta egon eta bertan bizi diren pertsona fisikoek eskatu ahal izango dituzte.

Familia bakoitzari eskaera bat (egur lote egur hil) baino ez zaio onartuko. Familiatzat etxe berean bizi den jende multzoa hartuko da.

Egur horiek jaso ahal izateko, eskatzaileak eta eskatzailearen familia osatzen duten gainerakoek zerga eta tasen ordainketa egunean izango dituzte, baita erroldaturik dauden udalarekiko zerga eta auzo betebeharrak ere.

Esleipenduna behartuta dago markatu diren eta esleitu zaizkion egur guztiak ateratzera zehaztutako epean.

Zuhaitzak moztean, ateratzean edo garraiatzean, gainerako zuhaitzei, ingurumenari eta ateratzeko pistei kalterik ez egiten ahaleginduko da esleipenduna.

Egurra ateratzeko, egun dauden pistak edo udaleko eta Arabako Foru Aldundiko ordezkariak adierazitakoak erabiliko dira.

Egur loteak eta egur hilak esleipendunak erabiliko ditu, ezin izango ditu, ez saldu, ez trukatu, ez eman (denak edo batzuk) beste bati.

Ordenantza honetan xedatutakoak ez betetzea arau-hauste izango da. Arau-haustek sailkatzeko eta horiei dagozkien zigorrak jartzeko, Arabako Lurralde Historikoko mendien erregimena arautzen duen 13/86 Foru Arauaren II. kapituluan xedatutakoak hartuko dira aintzat.

#### IV. KUOTA

Egur loteen eta egur hilen zenbatekoa, Arabako Foru Aldundiak xedatutakoak oinarri hartuta, ondokoa izango da:

- Egur loteak:	26,35 euro/loteko
- Egur hilak:	16,55 euro/tonako



Egur loteak aprobetxatzeagatik ordaindu beharreko kuota eskaera egin aurretik ordainduko da.

Egur hilak egiten dutena, berriz, tasatu eta esleitu ondoren, baina egurra atera aurretik ordainduko da.

## **V. AZKEN XEDAPENA**

La Ordenanza Fiscal Reguladora de las Tasas por aprovechamiento de productos forestales con destino a fogueras vecinales, que fue aprobada definitivamente su última modificación el 25 de noviembre de 2021, entrando en vigor a partir de su publicación en el BOTHA y seguirá vigente hasta que se acuerde su modificación o derogación.

Auzokoen suteetrako baso gaiak aprobetxatzeagatik ordaindu beharreko tasak arautzen dituen zerga ordenantza 2021eko azaroaren 25ean onartu zen behin betiko, eta ALHAOn argitaratu ondoren sartuko da indarrean, harik eta aldatzea edo indargabetzea erabaki arte.

Vº Bº  
ALKATEA

IDAZKARIA,